

BOSNA I HERCEGOVINA

Brčko distrikt BiH

SKUPŠTINA

KOMISIJA ZA IZBOR I IMENOVANJE I

MANDATNO-IMUNITETSKA KOMISIJA/

POVJERENSTVO ZA IZBOR I IMENOVANJE

I MANDATNO-IMUNITETNO

POVJERENSTVO



БОСНА И ХЕРЦЕГОВИНА

Брчко дистрикт БиХ

СКУПШТИНА

КОМИСИЈА ЗА ИЗБОР И ИМЕНОВАЊЕ И

МАНДАТНО-ИМУНИТЕТСКА КОМИСИЈА

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 31 Zakona o Policiji Brčko distrikta Bosne i Hercegovine („Službeni glasnik Brčko distrikta BiH“, broj 18/20 - prečišćeni tekst i brojevi: 41/20, 6/21 i 6/23), Komisija za izbor i imenovanje i mandatno-imunitetska komisija Skupštine Brčko distrikta BiH, raspisuje

KONKURS ZA IZBOR KANDIDATA ZA ČLANOVE NEZAVISNOG ODBORA ZA IZBOR ŠEFA POLICIJE I ZAMJENIKA ŠEFA POLICIJE BRČKO DISTRIKTA BiH

Konkurs se raspisuje za izbor sedam (7) članova Nezavisnog odbora za izbor šefa Policije i zamjenika šefa Policije Brčko distrikta BiH (u daljnjem tekstu: Nezavisni odbor) na period od četiri (4) godine.

Za člana Nezavisnog odbora isto lice može biti imenovano uzastopno najviše dva puta.

Nezavisni odbor sastoji se od sedam (7) članova, koji se biraju iz reda istaknutih stručnjaka iz:

- oblasti pravnih, društvenih i kriminalističkih nauka;
- organizacija koje se bave zaštitom ljudskih prava ili drugih srodnih oblasti.

Četiri člana Nezavisnog odbora su lica s prebivalištem u Distriktu, a tri člana s prebivalištem u entitetima BiH.

Tri člana Nezavisnog odbora su obavezno lica s prebivalištem u Federaciji Bosne i Hercegovine i lica s prebivalištem u Republici Srpskoj.

Članovi Nezavisnog odbora ne mogu biti aktivni policijski službenici iz bilo koje teritorijalne nadležnosti u BiH.

Struktura Nezavisnog odbora odražava sastav stanovništva na teritoriji Distrikta.

U sastavu Nezavisnog odbora moraju biti lica oba spola.

Član Nezavisnog odbora ne smije biti u sukobu interesa.

Sukob interesa postoji kada lice predloženo za imenovanje ima lični interes u policijskim pitanjima koji može uticati na zakonitost, transparentnost, objektivnost i nepristrasnost u vršenju svoje funkcije u Nezavisnom odboru.

USLOVI KOJE MORAJU DA ISPUNJAVAJU KANDIDATI ZA ČLANA NEZAVISNOG ODBORA:

Lice može biti član Nezavisnog odbora pod uslovom:

a) da ima najmanje VII stepen stručne spreme ili prvi ciklus visokog obrazovanja i najmanje pet godina radnog iskustva:

- u oblasti pravnih, društvenih i kriminalističkih nauka ili
- u organizacijama koje se bave zaštitom ljudskih prava ili drugih srodnih oblasti;

b) da u roku za dostavljanje prijave koji je naveden u javnom konkursu, nije navršilo 66 godina života;

c) da u posljednjih deset godina nije član političke stranke;

d) da u posljednjih sedam godina nije bilo na bilo kojoj poziciji u političkoj stranci, niti je postavljano na bilo koju poziciju od strane političke stranke;

e) da u posljednjih sedam godina nije bilo član izvršnog ili zakonodavnog organa;

f) da nije pravosnažno osuđeno za krivično djelo, osim krivičnog djela iz oblasti bezbjednosti saobraćaja počinjenog iz nehata;

- g) da protiv njega nije pokrenut krivični postupak, osim krivičnog djela iz oblasti bezbjednosti saobraćaja počinjenog iz nehata;
- h) da mu nije izrečena pravosnažna disciplinska sankcija za teže povrede službene dužnosti.

PODNOŠENJE PRIJAVE

Uz prijavu, potrebno je da kandidat dostavi sljedeću dokumentaciju:

1. ovjerenu kopiju diplome;
2. uvjerenje/potvrdu o radnom iskustvu (original ili ovjerena kopija);
3. uvjerenje o državljanstvu (original ili ovjerena kopija ne starije od tri mjeseca);
4. uvjerenje/potvrdu o prebivalištu (ne stariju od tri mjeseca);
5. svojeručno potpisanu i od nadležnog organa ovjerenu izjavu da kandidat nije u posljednjih deset godina član političke stranke (ne stariju od tri mjeseca);
6. svojeručno potpisanu i od nadležnog organa ovjerenu izjavu da kandidat nije u posljednjih sedam godina bio na bilo kojoj poziciji u političkoj stranci, niti je postavljan na bilo koju poziciju od strane političke stranke (ne stariju od tri mjeseca);
7. svojeručno potpisanu i od nadležnog organa ovjerenu izjavu da kandidat nije u posljednjih sedam godina bio član izvršnog ili zakonodavnog organa (ne stariju od tri mjeseca);
8. svojeručno potpisanu i od nadležnog organa ovjerenu izjavu da kandidatu nije izrečena pravosnažna disciplinska sankcija za teže povrede službene dužnosti (ne stariju od tri mjeseca).

Kandidati podnose prijavu u zatvorenoj kovrti lično u zgradu Skupštine Brčko distrikta BiH u prijemnu kancelariju ili poštom na adresu: Skupština Brčko distrikta BiH – Komisija za izbor i imenovanje i mandatno-imunitetska komisija, Ulica Mladena Maglova broj 2, 76100 Brčko, s naznakom:

„PRIJAVA NA KONKURS ZA IZBOR KANDIDATA ZA ČLANOVE NEZAVISNOG ODBORA ZA IZBOR ŠEFA POLICIJE I ZAMJENIKA ŠEFA POLICIJE BRČKO DISTRIKTA BiH.

Potpisana prijava na Konkurs podnosi se na propisanom obrascu koji se može preuzeti na pisarnici Skupštine Brčko distrikta BiH kao i na internet-stranici Skupštine Brčko distrikta BiH (www.skupstinabd.ba).

Konkurs je otvoren petnaest (15) dana od dana objavljivanja na oglasnoj ploči Skupštine Brčko distrikta BiH i internet-stranici Skupštine Brčko distrikta BiH.

Komisija za izbor i imenovanje i mandatno-imunitetska komisija Skupštine Brčko distrikta BiH će izvršiti selekciju prijavljenih kandidata.

S kandidatima koji ispunjavaju propisane uslove bit će obavljen intervju. Mjesto i termin intervjuja će biti objavljeni na oglasnoj ploči Skupštine Brčko distrikta BiH i internet-stranici Skupštine Brčko distrikta BiH (www.skupstinabd.ba).

Nakon sprovedenog intervjuja Komisija za izbor i imenovanje i mandatno-imunitetska komisija Skupštine Brčko distrikta BiH će obavijestiti najbolje rangirane kandidate s rang-liste da dostave uvjerenje da kandidat nije pravosnažno osuđen za krivično djelo, osim krivičnog djela iz oblasti bezbjednosti saobraćaja počinjenog iz nehata (ne starije od tri mjeseca), uvjerenje da protiv njega nije pokrenut krivični postupak, osim krivičnog djela iz oblasti bezbjednosti saobraćaja počinjenog iz nehata (ne starije od tri mjeseca) i svojeručno potpisanu i od nadležnog organa ovjerenu izjavu da kandidat nije u sukobu interesa u smislu člana 30 Zakona o Policiji Brčko distrikta BiH (ne stariju od tri mjeseca).

Skupština Brčko distrikta BiH će imenovati sedam članova Nezavisnog odbora s rang-liste kandidata koju utvrdi Komisija.

NAPOMENA

Za diplome koje su stečene u inostranstvu nakon 6. aprila 1992. godine potrebna je nostrifikacija.

Neblagovremene i nepotpune prijave neće biti razmatrane.

Broj: 01.7-05-1741/24

Brčko, 28. 03. 2024. godine

PREDSJEDAVAJUĆA KOMISIJE

Ina Pamukčić



